



愍綸錄

禮部覆疏

太子太保禮部尚書兼翰林院學士錢

諱謙益

題爲孤忠殉難欽奉

恩詔瀝血陳情懇祈

聖鑒以風臣節事祠祭清吏司案呈奉本部送准
禮科抄出原任總督陝西三邊軍務兼理糧
餉兵部右侍郎兼都察院右僉都御史死事



臣汪喬年男生員臣汪岐昌

奏稱前事等因於弘光元年肆月初拾日奉

聖旨該部知道欽此欽遵抄出到部送司案呈到部該臣等看得本官天賦堅貞學成弘毅耻官方之刳弊砥操一絲惡俗習之波流矢心百折進膺節鉞退忘身家率三秦殘破之師禦數載堅強之寇郟城之蚍蜉斷絕率蟻子以救援宛維之豺虎奔騰驅戕羊爲角觝當

旗靡轍亂之日勵死綏褻革之心身首分離免胄而先軫猶喜血肉狼籍歸元而國子如生知沒後之精靈不忘殺賊遯生平之學問何媿結纓屬當疆事之方殷忍使英魂之久鬱宜申崇卹以勸作忠察炤

會典凡三品官曾經考滿者祭一壇全葬又一欵凡以死勤事若抗節不屈身死綱嘗者開具實跡卹典取自

上裁喬年文官三品應予祭一壇軍旅身殲應請
特恩加祭一壇全葬其贈廕應聽吏部具覆謚法
容臣部諮訪彙

題臣部未敢擅便為此具本謹

題請

旨

弘光元年肆月拾捌日具

題

貳拾日奉

聖旨汪喬年予祭二壇全葬贈廕謚着該衙門議
來定奪

吏部覆疏

太子太保吏部尚書張

諱捷

題爲孤忠殉難欽奉

恩詔瀝血陳情懇祈

聖鑒以風臣節事該本部

題驗封清吏司案呈奉本部送吏科抄出原任

總督陝西三邊軍務兼理糧餉兵部右侍郎

兼都察院右僉都御史死事臣汪喬年男生

員臣汪岐昌

奏稱前事於弘光元年肆月初拾日奉

聖旨該部知道欽此欽遵抄出到部又准吏科抄出太子太保禮部尚書兼翰林院學士錢謙益

題同前事等因於本年肆月貳拾日奉

聖旨汪喬年予祭二壇全葬贈諡着該衙門議來定奪欽此欽遵抄出到部各送司案呈到

部該臣等看得原任總督兵部右侍郎汪喬年天植孤貞性成勁節中外敷歷風猷嘗凜冰稜邊嶠勞勩較推洵重節鉞勵王臣匪躬之志盡受命忘身之忠措餉練兵當賊焰之方熾登陴誓士雖創病而猶呼屬逆帥懷二以先逃遂空券隨賊以俱碎灑地熱血不腐宿草之憐賚志忠魂尚餘厲鬼之痛視諸鼠攬未死之孽豈啻薰猶相去之殊急宜優褒

以勸頑懦合炤巡撫保定兵部侍郎兼右僉
都御史徐標身死封疆例贈兵部尚書廕一
子入監讀書以爲死忠之報臣部未敢擅便
爲此具本謹

題請

旨

弘光元年伍月初貳日具

題

初四日奉

聖旨汪喬年准贈兵部尚書廕一子入監讀書

陳情疏

原任總督陝西三邊軍務兼理糧餉兵部右
侍郎兼都察院右僉都御史死事臣汪喬年
男生員臣汪岐昌謹

奏爲孤忠殉難欽奉

恩詔瀝血陳情懇祈

聖鑒以風臣節事臣父汪喬年原任陝西按察司
按察使崇禎拾肆年肆月拾貳日報陞彼中

巡撫適值闖賊犯境聲勢甚急舊撫王裕心
解組遙歸臣父不敢待

勅咨之到以誤封疆卽於拾叁日跨馬督領將士
趙大胤等馳赴商維奮勇堵剿與士卒露處
城外披堅執銳甘苦與共隨地設險斬獲多
級直至柒月初陸日寇氛漸遠回省到任又
值獻賊盤踞郿西秦患震鄰本月拾捌日移
駐山陽奮勇堵退秦關百二秋毫無犯俱經

題叙本年玖月內前督傅宗龍勦賊陣故河南
項城悍帥驕兵潰入秦地肆行搶掠臣父設
法撫禦始得貼然隨會推接任秦督拾壹月
聞

命凜奉

功令念切時艱

勅印未到卽於省中受事飛檄徵調兵馬各鎮因
隨前督出征潰回缺其行糧再聞調發羣呼

庚癸臣父嘔心措餉補舊給新固原總兵鄭嘉棟臨洮總兵牛成虎團練總兵賀人龍參鎮官兵始於拾貳月陸續到省逐營簡練選兵壹萬肆千崇禎拾伍年正月初陸日跨馬督赴河南征剿貳月拾壹日至襄城縣本處從賊舉人張永祺窩賊塘馬暗地報賊拾貳日巳時闖賊數拾萬蜂擁而來賀人龍兵馬望風先逃以致諸軍皆潰僅存步兵千餘踞

城圍困柒晝夜賊衆四面夾攻城內火器矢石用盡拾捌日巳時城破臣父猶自持佩刀同標下副將張一貴黨威等督率步兵在城頭與賊死戰身被數箭力竭被執面見逆闖正襟罵賊強項不屈致冒毒鋒被剛陸刀罵聲不絕割舌殞身賊退之後隨征守備范養德同家丁裹屍回陝撫臣張爾忠按臣金毓峒勘實具

題蒙

欽給儉字號勘合差官都司段登成扶柩歸里本年伍月內江西道御史阮振中

題爲勸忠恤死以勵風化事內稱督臣汪喬年奮勇攻賊親冒矢石與盧象昇傳宗龍同而驕將擁兵不救力竭命殞併宜炤例優議者也奉

聖旨該部看議具奏崇禎拾陸年捌月內河南按

臣蘇京

題爲優卹殉難官紳事內稱傳宗龍汪喬年顏日愉等奉

聖旨據開殉難官紳多員殊堪憐惻着該部再加確核從優分別議卹速覆欽此值逆寇犯順部議未覆幸際

聖主中興普天同慶

欽頒

恩詔內開二款一前朝文武大臣有勞績可紀品行可師而幽光未闡謚廕未全該部卽類題補給一忠義殉難者該撫按確察題明准與贈恤廕謚還與建祠有年遠未沾恩炤例一體行不得需索留難欽此欽遵痛思臣父自通籍以來清慎自持赤心報

國隨任確有實績可考軍功可紀屢舉卓異公論久明是役也使得從容拮据將士齊心未

必無補時事奈汴圍告急羽檄如流逆鎮懷二師潰身捐一腔熱血徒傾碧草黃沙萬里孤忠。祗寄悲風夜月而

恩卹未頒蓋魂久鬱前督傳宗龍已荷

隆典近日殉難諸臣倪元璐等皆荷

新綸仰見

聖主浩蕩鴻恩澤及枯骨况臣父死事之日糜身截舌慘並睢陽故敢引例哀籲懇乞

聖明俯憐忠烈

勅下該部炤例優卹使幽光得聞而先臣亦啣結

於九泉矣情迫嗚哀字稍逾格伏乞

聖慈赦宥臣無任泣血哀籲待

命之至爲此具本親齋謹具奏

聞伏候

勅旨

弘光元年肆月初柒日具

奏

初拾日奉

聖旨該部知道

附歷仕政績

計開

崇禎肆年大計會舉卓異第一

時守青州

吏部尚書閔

疏語

本官實蹟

清介絕塵。止飲青州一口水。至其才周四應。遇事恢恢。游刃有餘。而開懇荒屯。清查隱冒。革除添搭。省贖錢。而罪人感泣。清驛遞。則疲

累頓甦。真良貳千石也。奉

聖旨。這所舉卓異官員。卿等既經覆核准與紀錄。不次擢用。見在的還賜宴禮部。以示激勸。崇禎陸年。陞山東海右道副使。修築萊城簡練士卒。孔有德之亂。以軍功

題敘奉

旨紀錄優擢。本年請告終養

吏部疏語

看得萊州道汪喬年。清節稜霜。忠心貫日。真才大品。茂績深澤。卓絕一世。至咄嗟辦軍旅。激烈純貞。尤所難及。真籓臬之鼎品。山左之長城也。固當亟為慰留。以為地方計。奈本官橫罹家難。乃定春連齊保力地衣亦死遺一伶仃。望九之老父。孑然無歸。天涯孤子。信有一日不能安其位者。終養之請。想應准從。奉

聖旨是

道光十五年九月十八日
北彩全曾梅与王
四

十四都汪家橋人

先生出身由廩生中

天啓元年奉旨科舉人

天啓二年奉旨科舉人

初授布政司理問

陞山東青州州守

崇禎四年大計是稟

天下第一

崇禎五年陞山東海石

副使本年崇禎

崇禎十年者補山西

巡撫

崇禎十年陞陝西提學

崇禎十年大計是稟

王公大臣又奉旨是稟

天下第一

陞陝西按察司

崇禎十年四月陞陝西

巡撫

崇禎十年補陝西提督

崇禎拾年薦補山西分巡河東道防河禦賊

有功

題叙奉

旨加俸一級

崇禎拾壹年陞陝西提學道拾叁年大計

吏部等衙門會舉卓異第一奉

聖旨這所舉卓異官員准與紀錄酌用內陳洪謚

以逋糧革職戴罪不得並列

守青考語

分巡青州道按察司僉事楊

諱進

考得本官粹節一塵不染雄才萬壑奔流績

邁龔黃化洽齊魯

分守萊州道布政司布政使楊

諱作楫

考得本官操凜清冰才恢遊刃執法如山岳

之不可移愛民若疾痛之莫能解博大精明

互運繭絲保障兼修當倥偬之日轉輸如流

而地方_安堵無擾真海岱之長城寰宇之福曜也

清軍右布政使莫

諱儼臯

考得本官勁節山凝宏猷泉湧率屬蒞治美績卓然而備禦策應尤能殫力拮据豈獨一方保障已也

提督學政布政司右叅議兼僉事湯

諱道衡

考得本官性賦才通天成介氣有振衣千仞

之槩而非矜狷潔有環中四應之妙而不事恢張是以寇迫門庭纖塵不動軍需立備安堵無虞卓操茂蹟異政竒功未可於尋常品行中求之也

督糧兼兌道山東布政使司右叅政都

諱任

考得本官重器函牛鈛材斷犀勁骨稜稜更是屹然山定其革耗却餽具見廉操而保赤剔奸歷有實政至於寇警震隣殫力城守青

齊賴有長城保障功高矣

山東按察司帶管清軍驛傳鹽法道按察使勞

諱永嘉

考得本官強毅而出之以謙和細沉而布之以剛大察吏彼不能遁其情而民自被其澤至若茹苦戴星其餘也

山東按察司按察使勞

諱永嘉

考得本官勁骨挺挺不隨貞操稜稜不染軍

需紛錯而能以一身支應不窮才品第一人也

左布政使陳

諱應元

考得本官一片赤心白意以提各屬之綱領以故令行禁止吏畏民懷軍興旁午應之裕如兵心悅服卓然無雙之品

巡撫山東等處地方督理營田提督軍務都察

院右副都御史朱

諱大典

考得本官清而有容剛而不折以正大率屬以仁讓教民一切釐剔興除爬搔扶抑真所謂郡得賢而物吐氣者禁餽革羨特其餘耳若夫寇警震隣綢繆備至而供億過師轉輸餽餉嘔盡心血而閭閻若不知屹然海岱之長城也

巡按山東兼軍前監紀候京堂缺推用監察御

史謝諱三賓

考得本官一清如水四應成風撫赤子常切痼瘼表屬吏儼然師保不費催科而無不完之正賦常懷兢業而無不贍之軍需士庶咸懷兵民交口此循良之僅見者

提督軍務兼理糧餉巡撫天津等處地方兵部

右侍郎兼都察院右僉都御史鄭諱宗周

考得本官心秉惠和政成清肅當赤白交馳之日而供應悉贍於軍需徵募不駭於衆志

保障宏猷治平第一

巡按直隸等處監察御史李

諱一鵬

考得本官皎潔寒蟬。吸露飈馳。天馬行空。當
軍興旁午之際。默調曲劑。民安士悅。至飭法
則。屬凜秋霜。撫凋則戶。暄冬日。真師帥之選。
節鉞之望也。

督理印馬屯田巡按直隸等處監察御史黨

諱崇

雅

考得本官吸露飲冰之守。追風逐電之才。輸
運著勞。而剔釐得法。真人品實經濟。不第三
齊之保障已也。

歷蒙

當道薦剡甚多。不能悉載。繇始仕以及終仕。並
無彈劾

弘光元年伍月 日承蔭恩生汪岐昌謹鐫

通鑑



5-

